



CYNLLUN PONTIO CLWSTWR LLANHARI

2024 – 2025

Dyddiad Cyhoeddi: 1 Medi 2024

Grŵp Llywio'r Cynllun Pontio

Penaethiaid yr ysgolion Cynradd cysylltiedig a Phennaeth Ysgol Llanhari :

Mrs Meinir Thomas	Ysgol Llanhari
Miss Nia Pugh	Ysgol Gynradd Dolau
Miss Nia Downes	Ysgol Gynradd Gymraeg Tonyrefail
Mr Ryan O'Neil	Ysgol Gynradd Gymunedol Gymraeg Llantrisant

Arweinydd Pontio:

Mrs Cath Webb	Pennaeth Cynorthwyol, Ysgol Llanhari
---------------	--------------------------------------

Staff Allweddol

ALNCo Ysgol Llanhari	Mrs Elin Hobbs
Pennaeth Cynorthwyol Lles	Mrs Elen George
Arweinydd Cynnydd Bl.7	Mr John Rivers
ALNCo Ysgol Gynradd Dolau	Mrs Sally-Anne Leyshon
ALNCo YGG Tonyrefail	Miss Rachel Withey
ALNCo YGGG Llantrisant	Miss Rebecca Jones

Aelodau Pwyllgor y Cwricwlwm

Ysgol Llanhari	Mrs Cath Webb (Cadeirydd)
	Miss Angharad Morgan
Ysgol Gynradd Dolau	Miss Nia Pugh, Miss Rhian Jenkins
YGG Tonyrefail	Miss Ceri Hughes
YGGG Llantrisant	Miss Sara Williams

Athrawon Blwyddyn 6

Ysgol Llanhari	Miss Imogen Hunt
Ysgol Gynradd Dolau	Miss Nia John
YGG Tonyrefail	Mr Aled Hughes
YGGG Llantrisant	Miss Rebecca Jones

Cadeiryddion Is-Bwyllgorau Meysydd Dysgu a Phrofiad a Chynrychiolwyr yr Adran Uwchradd

Gwyddoniaeth & Technoleg	Cath Webb, Helen Bevan, Daniel Harries, Gary Jones
Iechyd & Lles	Angharad Morgan
Ieithoedd, Llythrennedd & Chyfathrebu	Ffion Richards, Lisa Morrish, Emma Goodridge, Catrin Rowlands, Lowri Reid
Mathemateg & Rhifedd	Sara Williams, Lloyd Owens
Celfyddydau Mynegiannol	Nia Pugh, Lowri Guy, Rhiannon Rees-Williams
Dyniaethau	Ceri Hughes, Helen Lougher, Sian Morris, Cai Willis, Llinos Davies
ACRh & CGM	Angharad Morgan, Llinos Davies

Cynllun Pontio Clwstwr Llanhari

Mae Clwstwr Llanhari yn cydweithio'n llwyddiannus er mwyn datblygu cynlluniau, prosesau a chwricwlwm mewn modd sy'n sicrhau dilyniant a chynnydd i bob dysgwr wrth iddo/i bontio o Flwyddyn 6 i Flwyddyn 7.

Crêd y Clwstwr yn gryf bod adeiladu ar gyrhaeddiad a chyflawniad blaenorol a chefnogi lles dysgwyr wrth iddynt bonito i Flwyddyn 7 yn allweddol i sicrhau fod pob unigolyn yn llwyddo a ffynnu.

Mae'r bedair ysgol yn ymrwymedig i ddiben y cynllun hwn er mwyn sicrhau y profiad addysgol a chymdeithasol gorau i bob unigolyn dan eu gofal wrth anelu i'w gwneud yn ddysgwyr iach, hyderus, uchelgeisiol, creadigol a mentrus a fydd yn barod i fod yn ddinasyddion egwyddorol yn yr unfed ganrif ar hugain.

Lluniwyd y Cynllun Pontio hwn ar y cyd gan Gorff Llywodraethu Ysgol Llanhari ac mae wedi ei gytuno gan gyrff Llywodraethu yr ysgolion Cynradd sy'n ein bwydo, sef Ysgol Dolau, YGG Tonyrefail a YGGG Llantrisant

Y garfan o ddysgwyr y mae'r Cynllun hwn yn gymwys ar eu cyfer ydy dysgwyr Blwyddyn 6 sy'n symud i Flwyddyn 7 yn nhymor yr Hydref 2025 (blwyddyn academiaidd 2025 i 2026)

Diben ein Cynllun Pontio

Diben y cynllun hwn yw cefnogi'r broses o bontio'r carfan o ddysgwyr sy'n symud o Flwyddyn 6 i Flwyddyn 7 o dan y Cwricwlwm i Gymru.

Mae ein Cynllun yn canolbwyntio ar sut y bydd parhad dysgu'n cael ei sicrhau drwy gynllunio'r cwricwlwm, cynllunio ac addysgu ar gyfer dysgu dysgwyr Blwyddyn 6 o dan y Cwricwlwm i Gymru, a sut y bydd anghenion a lles dysgwyr unigol yn cael eu cefnogi yn ystod y cyfnod pontio.

Anelwn at:

- gefnogi a chryfhau'r cysylltiadau rhwng Ysgol Llanhari a'r ysgolion Cynradd sy'n ein bwydo
- gydweithio i gefnogi cynnydd cydlynol gan ddysgwyr
- gynnal dealltwriaeth gyffredin o gynnydd
- gefnogi anghenion lles cyffredinol dysgwyr
- sicrhau cyflymder a her briodol yn y ffordd rydym yn ymdrin â chynnydd wrth fireinio ein cwricwlwm a'n trefniadau asesu

Cefnogi a chryfhau'r cysylltiadau rhwng ysgolion y Clwstwr

Yr Arweinydd Pontio sy'n cymryd cyfrifoldeb am lunio calendr y flwyddyn a chydlynu cyfleoedd i Benaethiaid a staff allweddol yr ysgolion i gwrdd er mwyn sicrhau ein bod ni fel clwstwr yn cyrraedd amcanion y Cynllun Pontio.

Rydym wedi llunio a chyhoeddi Crynodeb Cwricwlwm i Gymru ar y cyd fel clwstwr.

Cefnogi cynnydd cydlynol gan ddysgwyr

Trefnir i Bwyllgor y Cwricwlwm ac i Arweinwyr Meysydd Dysgu a Phrofiad sy'n rhan o'n Is-Bwyllgorau Clwstwr, i gwrdd o leiaf unwaith y tymor er mwyn cydweithio i sicrhau continwwm dysgu effeithiol sy'n galluogi dysgwyr i wneud cynnydd ystyrlon.

Mae cynllunio ein cwricwlwm yn sgwrs barhaus rhwng y bedair ysgol i sicrhau ei fod yn ddilys i'n disgyblion ac yn adlewyrchu anghenion a chyd-destun ein cymunedau. Mae'r dysgwyr yn parhau i fod yn ganolog i'r broses a'u barn yn annatod. Parhewn i gynnal trafodaethau er mwyn gallu mireinio pa wybodaeth, sgiliau a phrofiadau fydd yn sicrhau cysondeb i ddysgwyr ar hyd y continwwm ac yn cefnogi ein dysgwyr i symud ymlaen.

Y Pedwar Diben sydd wrth wraidd cwricwlwm Clwstwr Llanhari a dyma yw ein dyhead ar gyfer bob un o'n dysgwyr. Mae cwricwlwm ein hysgolion yn eang, cytbwys a chynhwysol ac yn addas i ddysgwyr o wahanol oedrannau, galluoedd a doniau. Mae'n cynnwys cyfleoedd dysgu o fewn ac ar draws bob un o'r Chwe Maes Dysgu a Phrofiad ac yn cwmpasu'r datganiadau o'r hyn sy'n bwysig. Wrth wireddu'r cwricwlwm, byddwn yn meithrin dealltwriaeth ein dysgwyr o'r themâu trawsgwricwlaidd a rhown ystyriaeth lawn hefyd i elfennau gorfodol y Cwricwlwm.

Mae sgiliau trawsgwricwlaidd llythrennedd, rhifedd a chymhwysedd digidol wedi'u hymwreiddio drwy'r cwricwlwm a sicrhewn fod digon o gyfleoedd i ddisgyblion ddatblygu, mireinio a chymhwyso'r sgiliau yma ar draws y meysydd dysgu a phrofiad.

Dealltwriaeth gyffredin o gynnydd

Mae Clwstwr Llanhari yn gytûn mai cynnydd o fewn dysgu yw'r broses o ddatblygu a gwella sgiliau, gwybodaeth a dealltwriaeth dros amser. Yr Egwyddorion Cynnydd yw'r sylfaen i'n cwricwlwm o fewn y clwstwr ac mae'r Disgrifiadau Dysgu yn rhoi arweiniad ar sut y dylai ein dysgwyr symud ymlaen ar draws ein continwwm dysgu.

Mae ysgolion y Clwstwr yn trefnu amser er mwyn i arweinwyr ac athrawon fedru trafod yn broffesiynol. Cynhelir deialog er mwyn parhau i ddatblygu a chynnal dealltwriaeth gytûn o gynnydd. Mae Is-Bwyllgorau'r bedair ysgol yn arwain ar y cydweithio o fewn eu hysgolion er mwyn sicrhau bod ymarferwyr yn deall sut dylai cynnydd dysgwyr edrych a gweithiwn at ddarparu pwyntiau cyfierio i lywio'r gwaith o gynllunio a dysgu ac addysgu'r cwricwlwm. Helpa hyn i ymarferwyr feddwl am a defnyddio ystod eang o ddulliau asesu i ddeall cynnydd (e.e. darparu adborth o ansawdd uchel i ddysgwyr, hunanasesu ac asesu cyfoedion). Ni fydd unrhyw un dull asesu yn cipio cynnydd dysgwyr yn llawn ac felly defnyddiwn ystod eang i

greu darlun cyfannol o'r dysgwr a'u cefnogi i wneud cynnydd mewn perthynas â chwricwlwm ein hysgolion unigol.

Cytuna'r bedair ysgol mai asesu yw'r broses o edrych ar gynnydd ein dysgwyr. Fel clwstwr, hoffem i'n dysgwyr wybod ble maen nhw ar eu taith ddysgu, i ble mae angen iddyn nhw fynd, a beth sydd angen iddyn nhw ei wneud i gyrraedd yno. Rydym yn cefnogi dysgwyr unigol yn barhaus, o ddydd i ddydd trwy asesu ar gyfer dysgu yn ogystal â nodi cynnydd dysgwyr unigol dros amser.

Bydd dysgwyr Blwyddyn 6 yn cymryd yr asesiadau personol. Mae'r rhain yn rhoi offeryn ffurfiannol i ni fel clwstwr i fyfyrion ar gryfderau dysgwyr mewn darllen a rhifedd, a'r camau nesaf posibl i frw ymlaen â'u dysgu. Trefnwn i athrawon Blwyddyn 6 i rannu'r wybodaeth yma am gynnydd yn ystod cyfarfod gyda staff Ysgol Llanhari yn nhymor yr Haf.

Rhanna athrawon Blwyddyn 6 'Ddangosyddion Dosbarth' yn nhymor yr Haf. Gwneir hyn ar gyfer Mathemateg a Rhifedd yn ogystal â *Llafaredd, Darllen ac Ysgrifennu* o fewn y MDaPh leithoedd, Llythrennedd a Chyfathrebu (Cymraeg a Saesneg). Mae'r Dangosyddion yn dangos **cynnydd** yn erbyn **cyrhaeddiad** sy'n rhoi darlun cyffredinol o **gyflawniad**. Mae gan y Clwstwr ddiffiniadau cytûn o beth yw cynnydd, cyrhaeddiad a chyflawniad a rhennir y wybodaeth hyn gyda staff ym mhob ysgol gynradd er mwyn sicrhau cysondeb wrth asesu a chwblhau'r dangosyddion.

Cwblheir taenlen 'Agwedd at Ddysgu' hefyd ble roddir gradd i bob disgybl ar gyfer elfennau megis parch, cyfraniad, a dyfalbarhad a gwytnwch. Ceir raddfa o 1-4, gyda 1 yn cynrychioli 'testun pryder' a 4 yn cynrychioli 'ardderchog'. Defnyddir hyn fel arf i ddyfnhau ein gwybodaeth o unigolion ac esbonio'n rhannol os ydy disgybl wedi gwneud cynnydd isel ym Mlwyddyn 6. Galluoga hyn i ni yn Ysgol Llanhari i baratoi a darparu cymorth ym Mlwyddyn 7 yn ôl yr angen.

Cefnogi anghenion lles cyffredinol dysgwyr

Er yn gyfnod cyffrous, cydnabyddwn bod symud i ysgol / adran newydd yn gam mawr sy'n gallu peri gofid i rai unigolion a'u teuluoedd. Gwnawn ein gorau felly i wneud trefniadau er mwyn helpu i leddfu pryderon yn gynnar yn ystod y flwyddyn academaidd.

➤ Ymweliadau â'r ysgol

Bydd rhieni disgyblion Blwyddyn 6 wedi cael cyfle i fynd o gwmpas yr ysgol ac ymweld ag adrannau tra bo'u plentyn ym Mlwyddyn 5. Cynhelir noson agored yn nhymor yr Haf ble bydd Penaethiaid Cynorthwyol yn cyflwyno gwybodaeth ar les, ADY, cwricwlwm a dysgu ac addysgu ac athrawon yn rhoi blas ar yr hyn sy'n digwydd ar lawr y dosbarth ar ffurf arddangosfa neu weithdy. Caiff y disgyblion gyfle i dderbyn amserlen o weithgareddau.

Cynhleir Noson Wybodaeth i rieni Blwyddyn 6 yn nhymor yr Haf er mwyn rhannu gwybodaeth allweddol am Ysgol Llanhari.

➤ Diwnordau Pontio

Trefnir diwrnodau ymweld yn ystod y flwyddyn sy'n helpu dysgwyr i ymgynefino ag athrawon, campws yr ysgol a dulliau addysgu. Cynllunir y diwrnodau hyn fel bo cyfle i ddysgwyr gael blas o weithgareddau ar draws y chwe Maes Dysgu a Phrofiad. Cynhelir yr un cyntaf ym Mlwyddyn 5 a dilynir hyn gan 3 dydd ym Mlwyddyn 6.

➤ Gwersi Ieithoedd Rhyngwladol

Trefnir bod un o athrawesau Adran Ieithoedd Rhyngwladol Ysgol Llanhari yn ymweld â blynyddoedd 5 a 6 bob ysgol o fewn y clwstwr yn wythnosol er mwyn creu perthynas a thanio brwdrydedd disgyblion cyn iddynt ddechrau ym Blwyddyn 7. Mae'r cydweithio hyn gyda'n hysgolion clwstwr wedi cael effaith gadarnhaol ar hyder a chynnydd disgyblion wrth iddynt bonito i Flwyddyn 7.

➤ Ymweliadau Lles

Trefnir i ALNCo a Phennaeth Cynorthwyol Lles Ysgol Llanhari i ymweld â phob ysgol/adran gynradd er mwyn trafod anghenion lles dysgwyr penodol yn ystod tymor y Gwanwyn a'r Haf. Gwnawn baratoadau ar gyfer Blwyddyn 7 yn seiliedig ar yr ymweliadau hyn.

Bydd yr ALNCo yn sicrhau bod anghenion penodol disgyblion yn cael eu diwallu ym Mlwyddyn 7. Un o'n prif amcanion yw sicrhau bod parhad mor gyflym â phosibl i'r ddarpariaeth o gefnogaeth a chynhaliadaeth y bu'r disgyblion yn ei derbyn yn y Cynradd. Amcanir at sicrhau bod cynlluniau yn eu lle ar gyfer disgyblion cyn iddynt gyrraedd Blwyddyn 7 fel bod athrawon yn llwyr ymwybodol o'u hanghenion a'r ddarpariaeth anegnrheidiol ar eu cyfer yn syth.

Cynigiwn i rieni/ofalwyr disgyblion Blwyddyn 6 i ymweld â'r ysgol yn unigol yn nhymor yr Haf os ydynt yn dymuno. Mae cyfle i ymweld â'r Hafan, a chwrdd â'r tîm lles.

Mae Arweinydd Cynnydd Blwyddyn 7 yn cwrdd â disgyblion Blwyddyn 6 yn gyson yn ystod y flwyddyn er mwyn dod i'w hadnabod, i ddod yn wyneb cyfarwydd ond hefyd i ddeall anghenion dysgwyr unigol fydd angen cymorth wrth bontio. Bydd yr AC yn cynnal trafodaethau gydag aelodau staff allweddol o'r ysgolion Cynradd er mwyn casglu gwybodaeth a chael darlun cyflawn o bob unigolyn sy'n pontio i Fl.7 ym Medi 2024. Bydd yr AC yn darparu proffil cyflawn o bob plentyn i athrawon a Thiworiaid Personol y disgyblion.

➤ Presenoldeb

Rhennir gwybodaeth am bresenoldeb disgyblion yn ystod y cyfarfodydd casglu gwybodaeth. Ceir un swyddog presenoldeb yn ein clwstwr sy'n gyfarwydd â chefnogi teuluoedd ein hysgolion. Golyga hyn fod parhad yn y gefnogaeth a roddir i deuluoedd. Fel clwstwr, cytunwyd ar safonau cytûn parthed y canllawiau a roddir i rieni e rmwyn annog presenoldeb da ac i geisio lleihau absenoldebau di-angen megis ar gyfer gwyliau.

Cynllun Pontio Clwstwr Ysgol Llanhari

2024 i 2025

Prif nodau ein Cynllun Pontio

Mae nodau ein Cynllun Pontio yn dangos sut byddwn yn anelu at sicrhau'r deilliannau canlynol wrth i ddysgwyr Blwyddyn 6 bontio i Flwyddyn 7:

- ✓ Sicrhau parhad dysgu
- ✓ Cefnogi anghenion dysgu dysgwyr unigol
- ✓ Cefnogi cynnydd dysgwyr unigol
- ✓ Cefnogi anghenion lles dysgwyr unigol

Adolygu a Monitro

Ar y cyd gyda staff allweddol yr ysgolion Cynradd, bydd yr Arweinydd Pontio yn adolygu a monitro effaith y Cynllun Pontio.

Amcan	Pryd?	Deilliant
Cynnal Cyfrafodydd Llywio i Benaethiaid a staff allweddol y clwstwr unwaith y tymor	12 Medi 2024 (Iau) 20 Ionawr 2025 (Llun) 8 Ebrill 2025 (Maw)	Cydgysylltu a rheoli'r broses bontio. Gwerthuso effaith y Cynllun Pontio a chytuno ar Gynllun 2025 i 2026
Cynnal 3 diwrnod Pontio i ddisgyblion Bl.6 Dysgwyr i gwrdd â Thiworiaid Bl.7 ar y trydydd diwrnod Pontio os yn bosibl	1 Hydref 2024 (Mawrth) 4 Mehefin 2025 (Mer) 30 Mehefin 2025 (Llun)	Dechrau dod i adnabod dysgwyr Bl.6 Dysgwyr yn dechrau ymgartrefu Cefnogi anghenion lles dysgwyr Sicrhau parhad dysgu Ymateb i bryderon sy'n deillio o'r holiadur yn dilyn diwrnod pontio 1
Athrawes leithoedd Rhyngwladol Ysgol Llanhari i barhau i gynnal gwersi wythnosol ym Ml.5 a 6 yr ysgolion Cynradd. Rhannu holiadur Llais y Disgybl.	Wythnosol Gweler Amserlen LET Tymor y Gwanwyn	Cefnogi cynnydd dysgwyr wrth bonito o'r Cynradd i Fl.7 Parhau i wella safonau yn yr Adran Sicrhau gwerth am arian
Cynnal Noson Wybodaeth i rieni/ofalwyr dysgwyr Bl.6	4 Mehefin 2025 (Mer)	Sicrhau bod y broses o bontio ym Medi 2025 yn un llyfn. Cyfle i ddisgyblion Bl.7 i berfformio'r hyn maen nhw wedi dysgu ac ymarfer yn ystod y diwrnod pontio (Celfyddydau Mynegiannol)
Pennaeth Cynorthwyol Dysgu ac Addysgu (ar y cyd gyda'r Arweinydd Pontio) i drefnu diwrnod HMS Clwstwr	21 Hydref 2024 (Llun)	Sicrhau parhad dysgu a datblygu a chynnal dealltwriaeth gytûn o gynnydd. Gosod ffocws clir ar gyfer

gyda ffocws cynllunio ar gyfer cynnydd a Dysgu ac Addysgu		cyfarfodydd yr is-bwyllgorau yn ystod y flwyddyn.
<p>Pwyllgor CiG i gwrdd o leiaf unwaith bob tymor:</p> <ul style="list-style-type: none"> -Gosod agenda ar gyfer yr Is-Bwyllgorau penodol -Adrodd nôl ar gynnydd y cyfarfodydd -Monitro effaith -Trafod diweddariadau CiG ac asesu -Trefnu hyfforddiant perthnasol ar gyfer yr Is-Bwyllgorau (Arweinwyr MDaPh) a staff 	Gweler y Calendr Pontio	Sicrhau parhad dysgu, o Fl.6 i Fl.7 Rhannu arfer dda Adolygu'r Cynllun Cwricwlaidd Cysonni prosesau asesu ble'n bosib
<p>Is-Bwyllgorau'r MDaPh i gwrdd yn ôl yr angen</p> <ul style="list-style-type: none"> -creu dogfennau penodol ar gyfer Pontio Bl.6-7 gyda nodweddion di-amod i lywio cynllunio a dysgu ac addysgu -parhau i gynnal trafodaethau am addysgeg ac asesu 	Gweler y Calendr Pontio a Hunan Arfarniad yr is-bwyllgorau 23/24	Sicrhau parhad dysgu, o Fl.6 i Fl.7 Cefnogi cynnydd dysgwyr unigol Cefnogi athrawon Bl.6 wrth asesu cyrhaeddiad a chynnydd cyn i ddisgyblion bontio i Flwyddyn 7
Arweinydd Cynnydd Bl.7 i ymweld â'r dosbarthiadau Blwyddyn 6 er mwyn cael darlun o'r dosbarthiadau	Rhwng Pontio 2 a Phontio 3	Sicrhau cysondeb o ran dealltwriaeth y Clwstwr o gyrrhaeddiad a chynnydd
<p>Cynnal Cyfarfodydd 'Cymedroli Cynnydd a Chyrhaeddiad'.</p> <p>JRS a FPR i gwrdd ag Athrawon Blwyddyn 6</p> <ul style="list-style-type: none"> -dangos tystiolaeth o waith disgybl / disgyblion cymhedrol Bl.6 -rhannu 'Dangosyddion Dosbarth' -rhannu'r Daenlen 'Agwedd at Ddysgu' -rhannu gwybodaeth am yr Asesiadau Personol 	14 Mai 2025	Sicrhau parhad dysgu a datblygu a chynnal dealltwriaeth gytûn o gynnydd Cefnogi'r broses o drosglwyddo gwybodaeth Andabod disgyblion sydd angen cymorth wrth wella'u hagwedd at ddysgu
Arweinydd Cynnydd Bl.7 i gwrdd ag athrawon Bl.6 er mwyn casglu gwybodaeth a chreu proffil cyflawn o bob plentyn	Diwrnod Pontio 3 30 Mehefin 2025	Sicrhau bod anghenion dysgu pob dysgwr yn cael eu cefnogi wrth iddyn nhw bonito o'r ysgol gynradd i Fl.7 Ysgol Llanhari
ALNCo a Phennaeth Cynorthwyol Lles Ysgol Llanhari i gwrdd ag ALNCo ac athrawon Bl.6 yr ysgolion Cynradd. Adnabod disgyblion ADY a rhannu gwybodaeth perthnasol.	Tymor y Gwanwyn a'r Haf	Sicrhau bod anghenion lles bob disgybl yn cael eu cefnogi wrth iddyn nhw bontio o'r ysgol gynradd i Fl.7 Ysgol Llanhari Sicrhau dilyniant a pharhad yn y ddarpariaeth wrth bontio (ADY)
Cynnig cyfle i rieni/ofalwyr dysgwyr Bl.6 i ymweld â'r Hafan a chwrdd a'r tîm	Ble'n bosibl yn nhymor yr haf	Sicrhau bod anghenion lles bob disgybl yn cael eu cefnogi wrth iddyn

cynhwysiant. ALNCo a Phennaeth Cynorthwyol Lles i drefnu.		nhw bontio o'r ysgol gynradd i Fl.7 Ysgol Llanhari
ALNCo a Phennaeth Cynorthwyol Lles i rannu gwybodaeth allweddol am ddisgyblion sy'n ymuno ym Ml.7	HMS Medi 2025	Sicrhau bod anghenion lles bob disgybl yn cael eu cefnogi wrth iddyn nhw bontio o'r ysgol gynradd i Fl.7 Ysgol Llanhari

Cytunwyd ar y Cynllun Pontio hwn ar ran Byrddau Llywodraethol Ysgol Llanhari, Ysgol Gynradd Dolau, YGG Tonyrefail ac YGGG Llantrisant